

肥

閏

宵

卷

生

本

經

躋

躋

十

二

齊

續

躋

卯

齋

本

經

序

躋

卯

人

齋

齋



序

醫道之見於載籍者靈樞素問難經而上神農本經爲最古諸經所論在審病本經所論在主治道實相爲表裏惜其傳授姓氏不可考人遂以爲漢人所假托然秦人焚書醫藥之書不毀其爲上古所遺無疑後之繼是書而作者陶隱居別錄爲最善乃宋金元以來著本草書者十數家其言愈多其道愈歧其說愈新其旨愈晦則皆求勝於本經求加於別錄而失之尤雜蕪穢者也世醫相沿承用不知其非卽號稱名醫者又止講臨證習方書而於本經與別錄則以尋常本草書視之不能參互考訂疏其文而證其解故古人用藥之意與藥之

所以愈病其說隱晦淹塞以至於今不知一病有一病  
 之方一方有一方之藥一藥有一藥之效不能審藥何  
 以定方不能定方何以治病此閩庵鄒君所以有本經  
 疏證之作也閩庵籍隸武進為鄒道鄉先生後裔敦行  
 誼通儒術而隱於醫性耽著述所撰雜文甚多其為是  
 書也以本經為主以別錄為輔而取傷寒論金匱要略  
 千金方外臺秘要與唐本圖經兼取六經五雅諸史說  
 文旁及道經佛書羣芳譜名人著作凡有關於論藥者  
 為之疏解辨證或論病之所宜藥或論藥之所宜病與  
 夫常用不當用之故務求其精毋失於麤務求其真毋  
 惑於似反覆較勘一掃本草諸家尤雜蕪穢之言而歸



於至當使藥品之美畢彰而本經之旨益著由是而審  
證用藥審藥定方安有不起之病哉至於唐以後之書  
或引焉或缺焉或仍焉或駁焉或取之而不盡取焉要  
以明本經之主治者爲準爾湯子卿離尹與君莫逆交  
素工岐黃術篤嗜此書欲謀刊布而以問余余受其書  
而讀之例則箋疏之例體則辨論之體思則幽邈之思  
識則卓越之識絕非近世醫書可比爰乃商諸同志捐  
貲集腋以成其事余素不知醫余以信湯君者信鄒君  
則其書之必傳於後可知也其他所撰述之文必傳於  
後亦可知也則鄒君之藉以不朽者其在於此歟抑不  
僅在於此歟古歛洪上庠敘

鄒潤安先生傳

同里周儀顥撰

先生諱澍字潤安晚號閨菴姓鄒氏道鄉先生二十六  
世孫也曾祖諱應智祖諱協鳳父諱汝奎代有隱德前  
母陳氏母馬氏繼母惠氏先生年十六失恃哀毀骨立  
事父及繼母甚孝閱六載又遭繼母喪哀毀如喪所生  
家故貧艱於就傅勤苦自勵於書無所不窺雖沍寒盛  
暑披覽不輟其於日月之疾徐盈縮星辰之遲留伏逆  
江淮河漢之脈絡條理南朔東西之阨塞險要皆能洞  
悉原委曉暢機宜故其發於詩古文詞者卓然可傳

皇上海道光元年

詔舉山林隱逸鄉先輩議以先生名上於



朝先生聞之寓書建議者曰某德薄能鮮長爲鄉人以沒世  
乃其分耳若抗跡邨園釣弋華譽鄉黨自好者不爲  
子謂我願之乎議者遂止張太守丹邨程太守芝圃咸  
引重之嘗諷之曰以君之學出而問世誰與相頡頏者  
薄此不爲毋乃已甚先生曰某賦性迂緩跼於展舒苟  
膺薦牘非特失已行且玷君矣敢固辭嗚呼此可以觀  
先生之所守矣先生隱於醫藉以事畜父旣沒弟顯又  
以疾卒通負纒千數一以身任之娶陳氏無子以弟顯  
之子夢龍爲子先生生於乾隆五十五年三月二十九  
日巳酉以道光二十四年八月十六日庚戌卒年五十  
有五所著有明典五十四卷本經疏證十二卷本經續

疏六卷本經序疏要八卷傷寒通解四卷傷寒金匱方  
解六卷醫理摘抄四卷契梳錄四卷醫經書目八卷醫  
書敘錄一卷醫經雜說一卷沙溪草堂文集一卷沙溪  
草堂雜著一卷沙溪草堂詩集一卷

論曰先生以積學敦庸行爲世通儒獨溫溫無所試人  
多惜之然卽其所就藏之名山傳之其人其所以嘉惠  
後學者非淺鮮也而世徒以醫知先生豈真知先生者  
哉



例言

一是編爲潛江劉氏本草述而發潛江博極羣書研精  
薈萃積三十年始成書中多引東垣丹溪海藏潔古  
而於張長沙孫真人略焉故先生專由本經抉發精  
蘊別錄則主張長沙孫真人爲多補苴罅漏足爲劉  
氏功臣

一先生底本以朱墨分寫本經別錄今用陰陽文別之  
便於一覽瞭然

一是編引證淵博凡經史子集釋典道藏泰西域外之  
書佐引無遺間有不能解者未敢點竄甯存其真勿  
失之誣



本草綱目  
一 是編用意已詳自序其中推闡盡致指實叩虛一書  
再言往復不已誠如自序所云一若人終不喻者蓋  
其意專欲人之能喻也閱者勿嗤詞費焉

一 先生疏證藥味六年始畢其疏證藥味年月分著卷  
首庶後之閱者知先生用心之專且久如此故不以  
重複爲嫌

一 是編係門下士抄錄先生未及訂正而卒底本如藁  
冬之藁人藁之藁苳胡之苳澤藁之藁皆書作門柴  
參瀉今依說文爾雅改正此外字畫譌誤亦隨時點  
定

本經疏證目錄

第一卷

丹沙

雲母

礬石

消石

芒消

赤消

滑石

禹餘糧

紫石英

赤白石脂

菊花

人蔘

天蘂冬

第二卷

甘草

地黃

朮

女萎

芫胡

麥蘂冬

獨活

防風

第三卷



薯蕷

薏苡仁

澤蔞

細辛

芎藭

黃連

黃芪

第四卷

蒲黃

五味子

蛇牀子

茵陳

王不留行

升麻

桂

柏葉

茯苓

酸棗

槲木

乾漆

第五卷

髮髮

人尿

裨褱

龍骨

阿膠

雞屎白

雞子黃

雞子白

石蜜

牡蠣

文蛤

橘柚

大棗

麻子仁

飴餈

冬葵子



瓜蒂 瓜子

右上品石十一味草二十四味木六味人三味  
獸九味禽三味蟲魚三味果二味穀二味菜三味

第六卷

雄黃 石膏 疑水石 乾薑

生薑 葛根 枯樓根 栝樓實

苦蕒 當歸

第七卷

麻黃 通草 芍藥 藟麥

百合 知母 貝母 黃芩

紫菀 款冬花 敗醬 紫葳



石葦

白薇

艾

第八卷

王瓜

海藻

防己

紅藍花

牡丹

白前

桑根白皮

竹葉

竹筍

吳茱萸

梔子

枳實

厚朴

秦皮

山茱萸

紫葳

豬苓

第九卷

馬通

羊肉

露蜂房

鼈甲

蟾蜍

蜚蠊

麝蟲

梅實

大豆黃卷

赤小豆

酒

稷米



小麥

麩

大麥

豆豉

蔥

薤

蘇

右中品石三味草二十八味木十一味獸二味蟲五  
味果一味穀八味菜三味

第十卷

伏龍肝

鉛丹

代赭石

戎鹽

大鹽

鍛竈下灰

漿水

潦水

甘瀾水

麻沸湯

泉水

附子

烏頭

天雄

半夏

第十一卷

大黃

葶藶

桔梗

旋覆花



藜蘆

射干

蜀漆

甘遂

白薇

大戟

澤漆

蕘花

牙子

商陸

白頭翁

葦莖

連翹

朔藿

芫花

第十二

巴豆

蜀椒

椒目

皂莢

訶梨勒

梓白皮

豬膽

豬膏

豬膚

蜘蛛

水蛭

蜣螂

鼠婦

衣魚

新絳

桃仁

杏仁

甘李根皮

醋

右下品石水十一味草二十三味木六味獸二味蟲





六味果三味穀一味

三品總石二十五味草七十五味木二十三味

味獸七味禽三味蟲魚十四味果六味穀十一味菜

六味凡百七十三味

序曰予治傷寒論金匱要略用屬辭比事法於不合處  
求其義之所在沿卻尋窾往往於古人見解外別有會  
心然每論用藥則不能稍有異同也友人楊君穆如本  
經之學素深壬辰秋偶因過訪叩其治本經法楊君甚  
稱本草述精博本草述者予蓋曾讀焉而苦其冗蔓者  
也楊君言劉潛江文筆萎蕪用意甚深能熟讀之略其  
繁蕪則精博自見因講芍藥一味予爲心醉歸而朝夕

